



Skeudenn : Erwan Le Seure Bihan

## TESTENN 1/5

Lennet get **Jo Morvan**

Da vout selaouet  
à [www.tidouaralre.com](http://www.tidouaralre.com)

Ger an Aotrou a voe bet kaset da Jonas, mab Amithai, er c'homzoù-mañ : Sav ! Kae da Niniv, ar gêr vras, ha pregit dezhi, rak he fallentez a zo pignet betek ennon.

Met Jonas a savas hag en em lakaas en hent evit tec'hiñ da Darsis, pell a-zoc'h an Aotrou. Diskenn a reas davet Jaffo lec'h ma kavas ul lestr hag a yae da Darsis. Paeiñ a reas gwerzh an dreuzadenn hag e pignas àr vord al lestr evit monet getañ betek Tarsis, pell a-zoc'h an Aotrou.

Met an Aotrou a lakaas un avel vras da sevel àr ar mor, hag al lestr en em gavas en arvar d'en em zrailhiñ a dammoù. Hag ar var-teloded a voe lorc'het; krial a rezont pep unan d'e zoue da zonet d'e sikour, hag e taolezont er mor ar vac'hadourezh a oa el lestr evit er skañvaat.

Met Jonas a oa diskennet e foñs al lestr, eno en doa en em daolet da gousket don. Neuze mestr ar vag a dostaas dezhañ hag a lâras : Perak e kouskez-te ? Sav, ha ped d'ah zoue. Marse e sonjo en-nomp, ha ne yimp ket da goll.

Goude en em lâront an eil d'egile : Dait, tennomp d'ar sort, ha ni a ouio piv ac'hanomp a zo kablus ag ar gwall ma en em gavomp ennañ. Tenniñ a razont d'ar sord enta, hag ar sord a gouezhas àr Jonas.

Neuze e lârazont dezhañ : Lâr deomp enta abalamour de betra ec'h erru ar gwalleur-mañ geneomp. Pe micher ac'h eus ? Hag a veban e teuez? Pehini eo ha vro, ha pehini eo ha bobl ?

Hag eñ a lâras dezhe : Me a zo Hebreadd, doujiñ a ran an Aotrou, Doue an Neañv, an Hini en deus graet ar mor hag an douar.

Hag an dud-se a voe leuniet ag un doujañs vras, hag e lârazont dezhañ : Perak ec'h eus graet kement-se ? Rak gouiet a raent e tec'he eñ pell a-zoc'h fas an Aotrou Doue, dre ma en doa en diskleriet dezhe.

Lâret a rezont enta dezhañ : Petra a rimp-ni genis, evit ma sioulo ar mor en hor c'heñver ? Rak ar mor a zalc'he da vonet àr washaat.

Jonas a respontas dezhe : Kemerit-me, ha ma zaolit er mor, hag ar mor a sioulo en ho keñver, rak anaout a ran eo abalamour din emañ daet ar barrad gwallamzer-mañ àrnoc'h.

An dud avat a zalc'he da roeñvat evit monet da zouar, met ne c'hellent ket, rak ar mor en em save mui-oc'h-mui a-enep dezhe.

Neuze en em droazont davet an Aotrou, hag e lârazont dezhañ : o, Aotrou ! Gra ma n'imp ket da goll abalamour da vuhez an den-mañ, ha na lakaez ket àrnomp ar gwad didamall. Rak, te, o Aotrou, te a ra 'vel ma plij dis.

Goude e kemerazont Jonas, hag en taolazont er mor, ha fulor ar mor a davas. [...]

Hag an Aotrou a reas ma en em gavas eno ur pesk bras evit lonkiñ Jonas ; ha Jonas a dremenas tri deiz ha teir noz e kov ar pesk é pediñ e Zoue. [...]

Goude-se an Aotrou a c'hourc'hemennas d'ar pesk tostaat d'an aod ha dislonkiñ Jonas àr an douar .

*Diàr Ar Bibl Santel. Troidigezh get G. Le Coat (moulladur 1897).*